



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 38. Gregorius Papa in Francia.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. *bus commotus, manus meas ad Jesum Chri-*
 A.C. 833. *stum Dominum nostrum levavi vehemen-*
ter exoptans, ut sine sanguinis effusione
præsens tumultus sedaretur. Et infra:
 c. 7. *Nemo dubitat, Domine, te sine compara-*
tione pluris facere Regnum Cælesti quam
terrenum; nihil vero magis gratum Deo
agere potes, quam amissam pacem populo
dare.

§. XXXVIII.

Gregorius Papa in Francia.

vit. Walæ. Postquam Summus Pontifex in Fran-
 c. 14. *ciam* pervenit, ipsius & Principum,
 apud quos erat, nomine mittuntur, qui
 Walam Abbatem Corbeja adducerent,
 cujus consilia ad conciliandam pacem uti-
 lissima credebantur. Ipse repugnans e
 Monasterio pedem efferre volebat; sed
 ad extremum cessit Fratrum precibus, di-
 centium, missos a Principibus milites
 vim ei illaturos comminari. Itaque co-
 mitante Ratberto perrexit in Alsatiam,
 quo Ludovicus Imperator jam prius men-
 se Majo se contulerat, & ubi etiam Prin-
 cipes filii cum Papa commorabantur.
 Episcopi Ludovico Patri adherentes da-
 ta ad Papam epistola querebantur, quod
 non vocatus advenisset, & accusabant,
 quod fidem Imperatori juratam violas-
 set. Cumque percrebuisset rumor, Gre-
 gorium adesse, ut ipsos excommunica-
 tione

Astron.

tione feriret, respondebant, non esse Pa-
 pæ potestatem ipsis invitis in ipsorum

Sæculum IX.
 A. C. 833.

Dioecesis quemquam excommunicandi, nec de aliqua re decernendi, & si eos contra Canones excommunicaturus veniret, ipsum excommunicatum abiturum. Imo ipsum se deposituros minabantur. At Papam perterritum Wala & Ratbertus confirmarunt, exhibitis ei Patrum testimoniis, quod potestate sibi a Deo tradita posset ire vel mittere ad prædicandam fidem omnibus nationibus, & procurandam Ecclesiarum pacem, ipsumque esse omnium Judicem quin a quoquam ipse judicari posset. Conjectura est, iisdem suadentibus Gregorium ad Episcopos Ludovico Imperatori faventes dedisse epistolam, in qua potestatem Ecclesiasticam supra Sæcularem extollit, dicitque, ipsos in his rerum Articulis potius sibi quam Imperatori obedire oportuisse. *Si fidem, inquit, Imperatori juravi, eam fidelius servare nequeo, quam si pacem restituo. Et vos, vos inquam perjurii rei, quomodo ejusdem criminis me accusare potestis? id vero meminervis, vos, si ab Ecclesia Romana recesseritis, Schismaticos futuros.* Epistolas utrinque stilo tam acerbis scriptas ad conciliandos animos nihil contulisse, haud sane mirum est.

vit. c. 16.

ap. Agob. to.
 2. p. 53. to. 7.
 Conc.

Ludovicus Imperator missis ad filios
 Delegatis, quorum Princeps erat Bernar-

Astron.

T 5

dus

Sæculum IX. A. C. 833. dus seu Bernarius Wormatiensis, quære eos jussit, cur Papa ad se venire cunctaretur, & an simili affectu ac Antecessores ejus in Imperatorem ageretur, atque ut filios ad reditum permoveret, *vit. Walæ* *c. 17.* sit etiam sex articulos, in quibus admonerat refractarios, quod filii sui essent, & vasalli, qui fidem jurassent Patri & Regi. Querebatur præterea, quod se auctoritate Defensoris Sacræ Sedis privatum vellent, cum Papam quasi captivum detinerent. Lotharium vero insimulabat, quod aliis defectionis auctor esset. Respondit ad omnes articulos Lotharius, magnam Parentis reverentiam & submissionem in speciem professus, & asserens, non odisse se patrem, sed malos, quibus obsideretur, consiliarios; se vero armatum advenisse, non ut quemquam læderet, sed se ipsum tueretur. Et similia, quæ rebelles omnes ad excusandam seditionem afferre solent.

Tandem Papam dimisit ad Patrem, qui venienti consuetos honores non exhibuit, nemo Hymnum præcinuit, nemo laudavit, nemo acclamavit. Dixit vero Imperator: *Ideo hæc tibi eveniunt, quia non venisti vocatus sicut Prædecessores tui ad Prædecessores nostros.* Sciat velim, inquit Papa, *nulla alia ex causa me venisse, quam ut pacem reducam, pacem, quam præ rebus omnibus Salvator Noster nobis*

nobis commendavit. Cum Papa per dies aliquot cum Ludovico Imperatore fuisset, & alter alterum donis cumulasset, rediit ad Lotharium necdum spe abjecta, concordiam inter Patrem & filium revocari posse.

§. XXXIX.

Ludovicus Imperator desertus ab omnibus.

Mense Junio exeunte Ludovici parentis & filiorum ipsius exercitibus per vastissimos campos inter urbes Basileam & Argentoratum effusis, & in conspectu stantibus, Lotharius sparsis in plurimos muneribus, pollicitationibus, minis, effecit, ut ex paternis castris his comitones trahentibus illis sequentibus copiæ ferme omnes ad se, Imperatore deserto, deficerent, illa ipsa nocte, qua reversus fuerat Papa, cui non amplius ad patrem redeundi potestatem fecit. Ludovicus intelligens, se a suis proditum, ad paucos, qui sibi ad ultimum adhæsuri erant, conversus dixit; nolle se optimis sane & fortissimis viris exitii causam esse, & concessit in castra filiorum, qui venientem magna veneratione profecuti sunt. Illico autem Juditha uxor ab ipsius latere avulsa, & Ludovici Regis Bavariæ custodia tradita. Lotharius Patrem Imperatorem cum Carolo adolescente fratre suo

Sæculum IX.
A.C. 833.

Astronom.

*Thegan.
c. 42.*

decenni